



Zavod za fizikalnu  
medicinu i rehabilitaciju  
Dr Miroslav Zotović

Broj: 127-29-17824- 13/19

Datum: 19.02.2020.godine

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj 39/14), člana 33. Pravilnika o javnim nabavkama Zavoda za fizikalnu medicinu i rehabilitaciju „Dr Miroslav Zotović” Banja Luka te Zapisnika o radu komisije nakon otvaranja ponuda predmetnog postupka broj 127-29-17824- 12/19 od 19.02.2020. godine, Direktor Zavoda donosi:

## ODLUKU

o izboru najpovoljnijeg ponuđača u otvorenom postupku

### I

Prihvata se preporuka Komisije za javne nabavke i ugovor o javnoj nabavci radova – Ugradnja razvodnog ormara i transformatorske stanice putem otvorenog postupka, dodjeljuje se ponuđaču Kaldera company d.o.o. Laktaši ponuda broj 01/1900000026 od 30.12.2019. godine za ponuđenu cijenu 157.831,35 KM bez PDV-a odnosno 184.662,68 KM sa PDV-om kao najpovoljnijem ponuđaču prema kriterijumu najniža cijena tehnički zadovoljavajuće ponude.

### II

Odabrani ponuđač u sklopu ponude broj 01/1900000026 od 30.12.2019. godine nije dostavio dokumentaciju traženu tačkom 4.1.3. Tenderske dokumentacije te je dužan dostaviti dokaznu dokumentaciju u roku od 5 dana od dana zaprimanja odluke o izboru najpovoljnijeg ponuđača.

### III

Ova Odluka će biti objavljena na web stranici Zavoda ([www.zotovicbl.com](http://www.zotovicbl.com)) istovremeno sa upućivanjem ponuđačima koji su učestvovali u postupku javne nabavke, a u skladu sa članom 70. stav 6 Zakona o javnim nabavkama.

## OBRAZLOŽENJE

Na osnovu Odluke o pokretanju postupka broj 127-29-17824-1/19 od 28.11.2019. godine pokrenut je postupak javne nabavke radova – Ugradnja razvodnog ormara i transformatorske stanice putem otvorenog postupka, procijenjene vrijednosti 158.000 KM u skladu sa Zakonom o javnim nabavkama BIH (Službeni glasnik BIH broj 39/14, u daljem tekstu: ZJN).

Obavještenje o nabavci br: 617-1-3-519-3-254/19 od 28.11.2019. godine odnosno izmjena obavještenja broj 617-1-3-519-3-270/19 17.12.2019. godine.

Za predmetnu nabavku blagovremeno su zaprimljene dvije ponude ponuđača: Kaldera Company d.o.o. Laktaši i grupa ponuđača Nexen d.o.o. Banja Luka i Telemax d.o.o. Banja Luka.

Komisija za provođenje predmetne nabavke formirana Rješenjem broj 127-29-17824-5/19 od 26.12.2019. godine je izvršila otvaranje, ocjenu i pregled pristiglih ponuda te sačinila Zapisnik o pregledu i ocjeni ponuda broj 127-29-17824-\_\_\_/19 od \_\_\_.02.2020. godine, koji je sastavni dio ove Odluke i u kojem je konstatovala sljedeće:

Uvidom u priloženu dokumentaciju i suštinskom provjerom sadržaja i validnosti dokumentacije, utvrđeno je sljedeće:

- Ponuda ponuđača Kaldera Company d.o.o. Laktaši ispunjava formalno pravne, ekonomske i tehničke uslove, odnosno zahtjeve ugovornog organa, tj. ponuda je prihvatljiva za ugovorni organ i može biti predmet vrednovanja shodno utvrđenim kriterijuma Obavještenja o nabavci, odnosno tenderskom dokumentacijom.
- Ponuđač Kaldera Company d.o.o. Laktaši nije dostavio kvalifikacionu dokumentaciju traženu tačkom 4.1.3. tenderske dokumentacije i u skladu sa članom 45. ZJN uz ponudu i dužan je dostaviti dokumentaciju u roku od 5 dana od dana zaprimanja odluke o izboru najpovoljnijeg ponuđača.
- Ponuda grupe ponuđača Nexen d.o.o. Banja Luka nije prihvatljiva za ugovorni organ te nije rangirana iz razloga što:
  - Grupa ponuđača je na strani 34 ponude dostavila potvrdu o uredno izvršenim ugovorima koja je izdata na ime predstavnika grupe ponuđača Nexen d.o.o. Banja Luka da je izvršio isporuku opreme članu grupe ponuđača Telex d.o.o. Banja Luka i glasi isključivo na isporuku kablova, ali ne i na same izvršene radove što je predmet ove nabavke.
  - Prilikom dostavljanja katalogske dokumentacije iz tačke 4.3.2. pod b) tenderske dokumentacije navodi se da je ponuđač dužan „dužan da dostavi originalne kataloge/prospekte/tehničku dokumentaciju ponuđene predmetne robe a u slučaju da nije u mogućnosti da dokaz dostavi na traženi način, Ugovorni organ će prihvatiti kopiju kataloga samo ako ponuđač na dokumentu naznači web stranicu na kojoj je dokument online dostupan”. Grupa ponuđača je u ponudi dostavila linkove ponuđene opreme, ali na web stranicama iz ponude nisu pronađeni originalni katalogi koji su dostavljeni u ponudi (konkretno za montažnu kućicu), te na taj način nije ispunjen uslov ugovornog organa.
  - Prilikom dostavljanja dokazne dokumentacije iz tačke 4.3.2. pod v) ponuđač je dostavio pisma autorizacije za sva četiri dijela opreme iz tehničke specifikacije tražene tenderskom dokumentacijom, ali ih je dostavio u običnoj kopiji što je u suprotnosti sa zahtjevom iz tenderske dokumentacije „Ovlaštenje proizvođača opreme izdato ponuđaču za vršenje servisa na ponuđenoj opremi (odnosi se samo na montažno-demontažnu kućicu, transformator, srednjenaponski blok te niskonaponski blok). Ukoliko ponuđač nije ovlašten za vršenje servisa, dužan je da dostavi original ili ovjerenu kopiju ugovora sa pravnim licem koje je ovlašteno za vršenje servisa na opremi koja je ponuđena u ovom postupku nabavke te običnu kopiju ovlaštenja izdatog tom pravnom licu za vršenje servisa na ponuđenoj opremi.“ odnosno „**NAPOMENA:** Tražena dokumentacija se dostavlja u originalu ili ovjerenoj kopiji, osim ako nije drugačije navedeno u tački 4.3.2.”.

Komisija je pristupila vrednovanju prihvatljivih ponuda shodno utvrđenom kriteriju najniža cijena tehnički zadovoljavajuće ponude te je tabelarni pregled - rang lista prihvatljivih ponuda sljedeći:

| Redni broj omotnice ponude | Broj protokola ugovornog organa | Naziv ponuđača                 | Omotnica sa ponudom ispravno zatvorena (zapečaćena ili potpisana) (da/ne) | Ukupna cijena bez PDV-a | Ponuđeni popust | Prefe - rencijalni tretman |
|----------------------------|---------------------------------|--------------------------------|---------------------------------------------------------------------------|-------------------------|-----------------|----------------------------|
| 1.                         | 127-29-17824-8/19               | Kaldera Company d.o.o. Laktaši | Da                                                                        | 157.831,35 KM           | Ne              | Da                         |

Shodno navedenom, komisija je u otvorenom postupku nabavke radova – Ugradnja razvodnog ormara i transformatorske stanice u skladu sa kriterijumom najniža cijena tehnički zadovoljavajuće


ponude kao najpovoljnijeg ponuđača ocijenila ponuđača Kaldera Company d.o.o. Laktaši sa ukupnom cijenom 157.831,35 KM bez PDV-a odnosno 184.662,68 KM sa PDV-om i dala preporuku da se sa istim zaključi ugovor.

Komisija je konstatovala da je ponuđač Kaldera Company d.o.o. Laktaši u sklopu ponude dostavio izjavu iz Aneksa 4 kojom potvrđuje ispunjenje uslova iz člana 45. te **nije dostavio dokaznu dokumentaciju** traženu tačkom 4.1.3. tenderske dokumentacije u skladu sa članom 45. ZJN uz ponudu. Ponuđač je dužan dostaviti dokaznu dokumentaciju u roku od 5 dana od dana zaprimanja odluke o izboru najpovoljnijeg ponuđača. Ukoliko u navedenom roku propusti dostaviti dokumentaciju, ugovor se neće zaključiti, a postupak će se poništiti obzirom da je odabrani ponuđač jedini dostavio ponudu.

Direktor Zavoda je prihvatio preporuku Komisije i na osnovu izloženog odlučio kao u dispozitivu odluke.

**POUKA O PRAVNOM LIJEKU:**

Protiv ove odluke ponuđači imaju pravo žalbe u roku od 10 dana od dana prijema iste, u skladu sa članom 101. stav (1) ZJN BiH.



DIREKTOR

Prim. dr sci. med. Goran Talić  
Spec. ortopedije i traumatologijom

Zavod za fizikalnu medicinu i rehabilitaciju **Dr Miroslav Zotović**  
Slatinska 11 • Banja Luka • Republika Srpska • Bosna i Hercegovina  
tel: 051 348 444 • [www.zotovicbl.com](http://www.zotovicbl.com) • [kontakt@zotovicbl.com](mailto:kontakt@zotovicbl.com)  
žiro račun: 555190-0024689624 Nova banka a.d. Banja Luka  
JIB: 4400917770002